

եւ լսութեաց զբազումս 'ի Հրէից . և 'ի խուճապիլ 'ի փախուստ իբրեւ դիմեցին խուժանօք անկանիլ յեկեղեցի Գրիստոնէից , զոր բաց տեսանէին , անդէն ինքնին փակեցան դռունքն . բուռն առնէին և հակառակէին ընդ պաշտօնեայս եկեղեցւոյն բանալ զմուտս . ահա ել ընդ սուաջ նոցա նոր հուր 'ի ճակատէ եկեղեցւոյն , զոմանս բոցակիզեաց և զայլս խանձողեալս և կիսայրեացս դարձոյց 'ի փախուստ : Գարձեալ և յայլում վայրի երեւեցաւ հրձգութիւն անգիտելի . զի յորժամ աղգականք արանցն կորուսելոց ընդ իւլատակաւ եկին 'ի խնդիր դիականց նոցա , տեսին յանկարծակի հուր ցոլացեալ սաստիկ 'ի յարկաց անտի , յորս եղեալ կային երկաթի գործիք շինուածոյն , և 'ի փախչիլն՝ բուռն ձգմամբ յածէր բոցն զինի նոցա ընդ իողոցս և ընդ հրապարակս , իբրեւ 'ի խնդիր ճարակելոյ զս ոք և գտանիցէ 'ի Հրէից անտի :

Եւ 'ի միւստում գիշերի երեւեցաւ լոյս մեծ յերկինս խաչանիլ չրջանակաւ իբրեւ զնկարէն նշան աստեղազարդ և ճաճանչազեղ , ոչինչ ընդ հատ 'ի պայծառութենէ խաչին երեւելոյ ամօք յառաջ առ Կոստանդ կայսերաւ , եւ այս եւս տարածեալ 'ի Գողգոթայէ մինչեւ 'ի լեւոն Զիթենեաց : Իբրեւ յարեան Հրէայք 'ի տեսանել զերեւոյթ ահաւոր Խաչին , դրոշմեցան 'ի զգեստս բազմաց 'ի նոցանէ խաչք բազմաթիւք թխատեսակ իբրեւ զտեղիս խանձողեալս 'ի հրոյ : Փութացին Հրէայք թոթափել զայն նշանս Խաչին 'ի հանդերձից իւրեանց չփելով և լուանալով , այլ 'ի զուր , զի Աստուածադրով էր կնիքն 'ի յանդիմանութիւն նոցա : Նոյն նշան սրբոյ Խաչին երեւեցաւ 'ի վերայ հաւատացելոց և 'ի վերայ համօրէն սպասուց եկեղեցւոյ , ոչ միայն յերուսաղէմ , այլ և 'ի մերձակայ սահմանս մինչեւ յԱնտիօք :

Իբրեւ եկն Յուլիանոս յերուսաղէմ , պատմեցին նմա Հրէայք զամենայն մի ըստ միով , և 'ի բաց կացին 'ի խորհրդոյ շինութեան Տաճարին՝ ըստ Սոկրատայ : Ապա ձեռն արկ չարչարել զԳրիստոնեայսն . լուեալ իսկ էր զհամբաւ Կիւրղի եպիսկոպոսի դարձելոյ 'ի հրէութենէ , և թէ նա է որ եգիտ զՍ . Խաչն 'ի Գողգոթա առ Հելլինեաւ , որացաւ ընդդէմ Կիւրղի ըստ ատելութեանն զոր ունէր առ Կեն-